



對山集卷之十八

墓志

亞中大夫陝西苑馬寺卿趙君墓志銘

嘉靖七年七月二十一日庚寅苑馬寺卿趙君卒於平涼官署又二十六日乙卯于蘇以狀來請銘其墓石君諱祐字汝承家世長垣人也與予同舉壬戌進士負氣抱奇穎銳不隔同年之士予切以君為難能乃日以望君顯名於當時顧遽有是事獨非數哉夫天生美才如汝承宜必厚其培植使究其所長佗將顧矣長將漸矣乃倏焉云亡天於汝承胡為而生又

胡爲而奪哉世之所謂英雄豪雋之士有明毅之材者之渾厚之氣彼自以爲可無往而不善予寔隘焉於是則輒歎汝承天資之美爲不可及而汝承又益之以學力昨予在鄠杜訪王子敬夫方共羨說汝承不置乃遽有是事於戲痛哉於戲痛哉按狀君父封吏部主事諱明配安人李氏以成化己亥十月十九日庚子生君即孝友天成比就小學灑掃應對長老以爲難率謂封君曰此兒言貌非常後必有大成太者無可以凡兒視也弱冠爲縣學生毀譽不形造詣克敏甫出就試遂有名於場屋辛酉果中順天鄉試高

等明年連捷進士年纔二十有四也未幾推擇爲吏部驗封主事又兩改考功文選已乃陞文選署員外郎出爲平涼通判尋陞同知未久陞西安知府在西安豈弟之政嘉樂之德浹於民心御史師存智曰當今循良之吏孰有可擬趙西安者雖予且以爲名言乃不知其有要於君也尋復有他言

廟堂知君特厚但且調登州顧隱顯益明遂陞山西按察司副使尋改提學予過解梁士子誦服其教無異言喜君之後優於是如所望當能究其所長也今年春君陞陝西苑馬卿予往華山第半程齟齬乃不

聖集 卷七
得與君會方以爲懊猶有既在關內容有可通者乃
不知君之竟如是也於戲痛哉君歷官二十七年以
廉持身以公亮職以仁愛民以誠御史以勤直事以
恕待物居上不驕在下不諂諺所謂不任情以利已不
毒心以害人君實備矣巡按御史端君聞訃驚惶謂
君世之懿實大美不終倏爾傾謝命官護喪念恤懇
至西安之民大小稽首北面垂涕非君盛德孚於上
下何以有此此於君之宿志雖未悉究而所遇靡恫
亦可以不愧有事固煥然君子之道也於戲盛哉君
配王氏封安人生男子四人莊蘇萬莘莊縣學生先

不幸死蘇勤學勵志足幹君盡萬莘雖幼俱英物也
女子一人嫁縣學生殷渠明年己丑某月日附葬城
東先塋禮也銘曰 天祐善人裨爾多福以莫不厚
年僅五十位終三品胡爲而仆温恭其心顯明其履
宜大厥授乃不克諧稽德眎祥或在爾後爾後隆隆
爾宗秩秩龍繁且秀逖德亢宗繼志廣孝天監孔祐
長垣之東佳城之南永安爾極豐碑我我龍章燁燁
世萬其懋

誥封太恭人王母劉氏墓志銘

太恭人者鄆縣莫泉里人也家世有厚德爲鄉人誦

說父曰劉翁諱聚娶李氏生太恭人太恭人年十八歸中憲公中憲公甚宜之是時中憲公年纔二十有二爲縣學弟子籍有時名太恭人事祖母焦夫人與姑李夫人曲盡孝敬然兩夫人則皆甚嚴中憲公公父高年公兄弟四人同井而居叔氏二人皆甚少晨昏之具尊卑之節處之實難太恭人周旋其間曲盡情禮矣李夫人猶時有督過之辭焦夫人曰新婦特少爾使及爾年寧若是止邪蓋是時長清公方棄養家無孳蓄僮僕亦鮮共白之任太恭人實躬操焉成化辛卯中憲公舉鄉試丁酉挈家卒業太學戊戌中憲公

乙榜而悔恨不樂太恭人曰舅姑老藉此以盡菽水之奉未爲不可也寧知他日事手中憲公意始釋然於是赴巴縣教諭未幾關內大饑太恭人且麥麩脯肉令人相繼歸奉舅姑其族邠鄰里流來巴者隨親踈多寡日與之餼洎九載滿歸太恭人乃出所有衣幣首飾壽李夫人李夫人歎曰姑氏言新婦孝吾初以爲未乃今果然也弘治乙酉中憲公改祥符教諭丙辰轉南陽府教授己未高年公訃至中憲公痛恨自擊面欲死太恭人曰君若此母氏當柰何於是中憲公悟乃不擊面而歸治喪事養李夫人無不當意

者高年公治命析產凡屋宇及諸田富善者悉以予
二叔氏太恭人謂中憲公曰吾數子已幸有成立者
當一依舅志中憲公喜曰正吾意爾蓋是時子九思
已爲翰林庶吉士云太恭人性嚴毅有斷制家事無
大小隨至而決諸子洎婦雖並居私覲無敢有不敬
者海與九思友且有姻契乃數拜太恭人於堂而識
知懿訓往往爲人道之嘉靖丙戌四月八日庚申乃
大恭人不起矣於戲痛哉距其生正統癸亥十一月
二十八日庚戌享年八十有四云太恭人生四男子
長即九思丙辰進士翰林院檢討垂九年矣不悅於

執事者修

孝宗實錄成

上將增秩史官執事者嗾逆瑾以充拓政事同諸公
出之部曹後瑾伏誅諸公皆已復官而九思獨謫壽
州同知尋以讒并罷同知以歸次九叙甲子舉人次
九阜業農嘗輸金爲義民官季九峯戊辰進士以監
察御史遷金華知府轉山西按察司副使初九峯以
太恭人思已乃棄官日夜歸事太恭人相聚甚懽也
未幾太恭人病而九峯亦病太恭人既卒又二月九
峯亦卒云孫男子七人長瀛癸酉舉人羅江知縣次

潭早歿次產渭漢沔孫女子十人長適楊顯次適徐
 永圖次適陳文奎次適張師孟次許劉拱次許何錦
 次適吾子栗太夫人卒後九月亦歿次許何某次許
 邢宜次尚未許曾孫男子二人曰山木曾孫女子一
 人許西安後衛應襲指揮白椿其嗣續之繁衍顯盛
 蓋關內所無有也於戲盛哉今年丁亥十一月十日
 甲申九思等將合葬太恭人於中憲公之兆以銘屬
 海海不敢辭姑述其大槩以示世之為人母者太恭
 人初以九思官封孺人卒後幾月又以九峯金華治
 行得封命為太恭人而贈府君中憲大夫焉銘曰

繫惟恭人毓靈坤造作配於王克仁允孝篤生良胤
 繩武周召厥修孔揚方國是儆群桂並榮積善已效
 衣冠相繹後先如導畢志闡華於雍有耀振振蟄蟄
 惟德斯紹既壽且昌何福不報並窆同終六老之兆
 億萬無斃同章懿教

明故封文林郎雲南道監察御史儒學訓導

楊公墓志銘

公諱舟字濟川別號訥菴家世武功人也曾祖禮
 國初舉人才引疾不就祖安父鑑俱孝弟力田為鄉
 善人鑑生四子長善次鼎次哲季公為縣學生讀書

不成父命公繼哲為學生治朱氏易籍然有名於時
成化丁酉鄉試已中式錄其文矣有某參議欲私其
門客乃抵落公卷此後累試皆弗售士論惜焉弘治
庚戌應貢上禮部拜夏縣儒學訓導勤以教人禮以
自御夏人至今猶誦說不忘云九載滿年尚未及六
旬且將陟官也乃幡然告歸家無厚蓄守薄田數十
畝其心休休若將終身焉此可以占識公志矣正德
辛未長子秉中第進士為行人又三年為御史
勅封公為文林郎雲南道監察御史配張氏封為太
孺人太孺人鄉善人貴女也年二十歸於公善執婦

道勤儉備至故能相成公學公已有官乃彌喜紡織
所衣裙布敝猶不易曰我性蓋如是正德辛巳十一
月八日公以疾卒於家縣生正統庚申三月二日春
秋蓋八十有二葬後四年嘉靖丙戌六月二日孺人
亦卒縣生正統壬戌六月二十八日春秋蓋八十有
五今年戊子九月三日秉中將奉孺人之柩啓壙附
葬於公以狀授海請以銘公之墓海自兒童時嘗從
鄉先生之後私識公之行事公天性孝友加以稟賦
謹厚終其身鄉黨宗族咸無間言兩兄繼歿撫其遺
孤無異所出堂叔某死無後葬之以禮又為主時祀

於家秉中既貴祿之所入計已饒裕公歆然如布衣
時顧自處益儉每飲食至輒以先公先夫人逝不及
養感泣不已此亦可以謂有終身之慕矣張孺人性
尤儉素遺訓甚多秉中嘗述以告予曰不肖爲御史
曾拜吾母於堂記吾母之言曰我在家時聞人說而
祖善而父將來必做官爾官視而父又加顯矣此而父
恐傷乃而父果做官爾官視而父又加顯矣此而父
之善所致也而謹識之凡百勿顧目前當從後者可
也不肖携家口北山吾母告吾妻曰我平日過活甚
難今老矣一薪一米未忍輕費世常說節儉勝求人

諸婦宜深念此日用間汝輩不愛惜累及吾兒請勿
復來見我也此皆表表然可以訓及將來比跡古之
賢母者嗚呼盛哉公與孺人生男子二人秉中兄中
秉中以御史陞山西按察司副使兄中受義民爵女
子一人適里人党厚孫男子八人詡早夭余三尚幼
秉中出也純紀俱縣學生而紀夭余二幼兄中出也
孫女子三人秉中所出二一適重慶檢校王堂一許
聘景塾兄中所出一適馬河龍俱先歿純出曾孫女
子一人已許聘馬氏苗裔盛矣方公卒時秉中以巡
按四川過家孺人卒時秉中已陞官山西歸省問疾

侍藥屬壙視空曾無一之不逮所謂不期然而然者
非公與孺人陰德宿享詎有此哉銘曰 武功之南
厥川惟膺土厚水深公墳侯侯孺人是同奠茲終古
名德在時懿訓如睹子孫振振克遵伊武孔賢帝命
是延豐章蔚誦齊音公阡南山峩我漆水煎煎永言
孝思尚慎諱旃

故文林郎知吳橋縣王君墓志銘

弘治初關中蓋有才子焉言出而文成筆挺而思運
諸關中英俊之士莫不以爲難能望焉不敢與之
抗見其文觀其誦述目動口嚅心服志赧者十恒八

九吁亦奇矣子自弱冠與之爲友顧其天資之美雖
傳記所稱何以過也乃今卒不能以行見於世忽焉
卒矣悲夫天之生才也付之以美大純粹之資而又
審其所就使之與物同腐顧非斯人之不幸哉此吾
友野堂王君仁瑞之卒茲予有以傷士之不辰而感
時日之易邁也於戲仁瑞之資豈世之所恒有邪昔
馬遷讀服鳥賦深與其同死生輕去就爽然自失仁
瑞以名進士試圻縣其欲爲之志橫博之氣至欲與
宇漢爭高及其退屈林麓澹焉脫焉若亡若寄茲亦
非綽有餘覲者乎按狀仁瑞姓王氏諱麒上世寶雞

人也自祖某以來率居鳳翔仁瑞生七歲父琰令就學即若成人年十三四殊為知府張公本濟所愛曰使其讀書不輟不數年天下無書矣後果中弘治乙卯鄉試已未進士辛酉除知吳橋能以法令飭治民敬畏之不三年為州守註罷歸鳳翔年尚銳也即脫棄其事日徜徉里閭奕棋賦詩若將終身客至不拘有無必置酒款洽雅歌投壺晏如也嘉靖癸未母夫人焦氏卒哀毀成疾延及今年戊子二月二十二日甲子遂不起歸生天順癸未五月九日丁酉春秋六上有六先娶劉氏郡名家女善執婦道先君十五年

卒懿德在君之自志生男子一人曰元定女子一人嫁國子監生扶風趙惟珍繼娶李氏鳳翔守禦千戶所鎮撫憲之姊也德似於劉先君七日亦卒生成化乙未十一月二十三日戊辰得年五十有四元定將以九月十六日乙酉合葬君與李孺人於城南劉孺人之壙以予知君為深當銘君之墓石因以所寄於君者道之若夫吳橋人士感德懷惠繪圖立傳諸事則吳橋志與士大夫所誦說者人人知之予不欲贅君卒時有孫男子四人孫女子一人苗裔盛矣銘曰氣凌九有而位不逮心雄萬古而業未竟豈人履之

靡諧抑天數之有定雍城之南地佳且正子孫振振
續君之慶享不酬德爾後則競銘以告哀予言匪佞

亡妻安人尚氏墓志銘

安人者故順天推官尚公第二女也母曰賈夫人成
化乙未九月二十八日甲戌生安人重厚嚴恪不必
其長知非凡女子矣昔先君子爲予擇婚者數年無
一當者乃後得安人弘治壬子先君子卒又二年乙
卯安人歸予伉儷二十六年而安人卒焉雖其數有
不可得而易者然奚至於予而數遽如此也於戲痛哉
安人歸予時年已二十一歲貞靜恭儉有君子之德

其裁制事爲動與義合氣岸凜然烈丈夫或弗如也
妯娌姻婭見安人莫不畏且敬者蓋其意度自能奪
人如此也先夫人嘗曰新婦事我克盡孝道且今二
十年母一憊也正德戊辰先夫人寢疾安人晝夜不
寐者十有七日泊卒號泣幾隕凡人之婦孰不能此
者而因心惻怛則安人一人爾於戲痛哉方予舉進
士第一人莫不喜也安人曰道以無垢爲貞名以陵
實是懼保貞克懼此君子所以進德修業欲及時者
也尚何言喜邪此其意可與淺見薄識者道邪予歸
葬先夫人之二年庚午淡瑾伏誅言官論予爲編氓

報至安人撫掌曰不垢得垢是謂罔謬而今而後夫子蓋卒無垢矣非大慶邪省耕視饁黽勉作業由庚午至庚辰十有一年口食瑣瑣無弗給者所以使予放情丘壑鮮復顧慮秋毫皆安人之力也於戲痛哉安人自初及今事無鉅細未有不自請予而徑行者其恭和弗專亦可見矣卒之日家人婦子號慟罔極若喪所生所立家則歿已三年而率行如在其宜夫克家蓋予之韋弦也何不幸不能與之窮年同斃豈造物者不使人兼媿並嘉如此也於戲痛哉安人所生男女十人其六人皆早夭今止有男子一曰泉女

子三長嫁舉人張之槩次嫁李世貞季嫁馬龍衣吉止生員也嘉靖二年四月二日癸酉將葬安人於潯西先塋兒子泉曰大人盍銘諸石以志母安人之壙夫安人之美衆矣人不能詳言者具已載諸家乘不欲繁爲辭說銘曰 潯西之崗龍從崎嶇唐山是名爰自我祖返貞歸始肇啓茲宇左漆右雍前渭後岐地臧孔宜非德孰居汝年弗豐汝道則隆篤順克孝秉素蘊貞我宗用崇千歲一瞬若旦暨夕詎弗汝齊汝復何疑我行弗磷汝名乃偕汝茲休哉

文林郎湯陰縣知縣侯君墓志銘

君諱相字良弼上世故武功人也曾祖某生某生
恕有德不仕舉爲鄉飲賓娶李氏生男子三人君蓋
中子也少穎異落脫不拘小行年二十予先君平陽公
見之謂君叔蒙城丞清曰此兒神清氣羨何不令之
學後侯氏有能亢宗述德者此兒也故遂從爲縣學
諸生弘治己酉果舉鄉試高等明年試禮部不第以
乙榜爲蒲州學正學正九年再試禮部不第尋有外
艱除服上吏部拜湯陰知縣湯陰邑衝要民貧窶若
徵後號煩難理君慨然往之曰不能宰是邑書可廢
也居一年吏就典列民信軌訓湯陰稱治平矣然性

喜肆遂不通時宜遇尊官上吏則執禮爲敬不若世
俗奔走卑屈往往爲所損詎雖小事必欲合其約束
即尊官上吏不能移未幾有內艱歸明年遂以朝覲
考察閑住人以君英爽有氣年又壯健未老也君歎
之曰嗟乎世人重爲官予重使氣吾欲不失已而官
職乃使之是重官不重已非吾志也縣南有橫渠綠
野書院因兒時嘗牧其野遂自號綠野牧子樂然於
家凡十又一年以病腫卒時則正德七年壬申閏五
月十又六日巳巳也由生景泰丙子三月二十日巳
丑春秋蓋五十又七云君易簣時托符尚玉來請予

與語予至則君已漸矣君第右指予謂君曰爲誰君曰對山先生也或謂君將有所托君搖首不應予恐其終而亂也因語之以順安死之說君勉強爲數言曰即何不知死爲吾歸子之賢不肖在天豈敢累故人所覬故人者銘我墓石使後世知所我云云爾又釋倚者手向予揖而止予領君意歸且未出戶而君絕矣蓋予昔未第時君獨重予文謂可名世及病又數數以銘石見托乃至其大故猶不能忘此其心志所隱蓋何如哉君體頗面豐多髯善戲譔而喜飲無擇於鄉人故鄉人無大小皆樂與君遊君爲學生時

有文名及爲學正湖廣河南皆聘爲考試官稱得士云性服善喜德人有片長即稱之不置居官克自砥礪欲爲循良不知上吏之不可其意卒至貧厄不裕然能慷慨靡撓蔬食豆羹晏如也配張氏側室王氏生男子一人宗史今爲縣學生娶長安楊教諭從禮女女子二人長嫁楊玠次嫁鄧際隆孫男子一人圭尚幼在襁褓明年癸酉十一月甲申葬新寨先塋之次禮也銘曰貞而咎惟眡爾後惟爾不回爾光則恢我石孔文惟永翼爾墳

郭處士墓志銘

處士諱理字宗智咸寧人也曾祖曰得成生子道原
舉人材爲河間府經歷生子恂恂娶李氏生三男子
其季者處士也處士穎異有氣以幼有目病不得讀
書肆意爲家人產即能饒厚有裕無怨恫於父母兄
弟之養性又簡易不與人苟合雖身爲布衣非有士
君子之行者弗肯與遊與之遊者皆愛敬若兄弟故
人人嚴憚修飭不肯惡處士醫有齊惠者音奕而不
理於業人雖有篤病當奕不肯廢也見處士來即罷
奕應病者病者得惠醫皆生故凡病者因其奕皆來
趨處士而惠之醫與處士之方正因泐然徧關中矣

又生不喜酒晚年始少飲酒飲則輒醉醉則掀髯微
咲而止人莫能測也終身未嘗一至公府暇日惟焚
香默坐誦道德經及爲善陰騭書曷至喜問談山川
名勝之跡故天下山川名勝者處士能一一道之人
屢薦處士賓鄉飲堅辭不就正德庚午有

詔給民老壽者冠帶處士時年已八十三竟不受又
二年壬申二月丁丑以病卒由其生宣德戊申三月
丁未春秋蓋八十有五配李氏生男子三人鈞錦鏗
女子三人嫁爲趙邦式李聚與太學生李選妻孫男
子二人懋檢孫女子五人一嫁商南學生李相一嫁

李陽一嫁咸寧學生許陽二尚幼在室鈔錦皆早歿而鏗以朱氏詩舉正德丁卯鄉試將以某月甲子葬處士於鴻固原新兆乃持表第閭舉人溥狀來請銘予舊聞鏗才美志意私甚重之因推其先世而處士之名行與溥狀有徵茲為之銘銘曰 惟彼郭氏實自魏奔於周為宗乃肇郭孫最隗丹泰根枝孔敏汾陽始葬郭世乃尊及此河間修潔克武會德不經是生恂父三英既敷處士克宇彼克云何非幹厥蟲敦德樂文追鼻祖子孫振振惟鏗孔新昌宗元始惟郭之珍既珍我郭心遐弗康卜云鴻固惟公是藏公福

孔茂保艾爾後世萬彌章我銘在石

登仕佐郎鴻臚寺序班閻公孺人趙氏合葬

墓志銘

閻故為興平馬嵬人由警菴先生宅長安其子孫皆居長安故遂以趙孺人葬長安南新醮之原而遷序班公之柩合焉於是子瀚暨溥來武功以銘屬海夫序班公者海姑表諸父也與趙孺人俱有厚志瑰行當不可毋眡於來世故予得述而銘之云序班公諱璘字尚温狀云上世萬年人蓋唐右相闢立本之後也立本始葬馬嵬原而子孫因家馬嵬元季避兵入

蜀洪武初四世祖名昌復歸馬嵬而馬嵬之閭延蔓不可勝紀矣名昌生遵道遵道生秉直秉直生通奇偉有異識鄉人賢之舉人材除南京刑部司獄娶張氏早歿繼又娶張氏生子鐸天順成化間詩人世呼爲警菴先生舉景泰辛未進士累官至浙江右布政使娶于曾太父太常公之女累封至淑人生男子三人序班公蓋仲子也修軀丹頰人望之如瑩玉又性敏善記兒時隨所口授書即過耳不忘先君子平陽公嘗言警菴先生與余敗肅公飲序班公僅五六歲敗肅公指席上食蟬請曰八條螳螂腿即應之曰五

色鳳凰毛其敏捷精巧如此是時警菴尚在即置一時縉紳大夫聞者罔不竒之弱冠從警菴遊四方蓋多規識前言往行收書肆學無所不博雖一器一物之小皆能察認世代人品萬不一矣然多病不能奔走而性又喜逸遂故卒不有科第成化丁亥以警菴順天尹蔭當補國子生時周文公爲祭酒深所器重每召語輒至夜分始退弘治辛亥除爲鴻臚寺序班若以不得省侍警菴爲恨遂耿耿有心疾序班十不理一二獨伏枕拊膺曰父老父老甲寅四月辛巳病劇不起年纔四十又五也孺人趙氏通政趙伯顯先

生女也世爲北京大興人伯顛以乙丑進士起家娶
宜人潘氏生孺人端莊貞淑有古女士之風襁褓時
太學生高公見之曰此女不爲貴人婦當爲貴人母
然貴家大族求者不可勝紀而通政公願獨喜序班
蓋警菴與通政皆詩社密契友而序班公每宴輒侍
爲公熟見其美乃如此孺人自歸序班公則克諧孝
姑康淑人極嚴肅也能獨得其懽心由序班公卒至
今二十年辛苦備嘗操履無間教道諸子皆克自成
大爲聞人而女子悉歸士大夫婦人之事可謂慊然
無憾者矣正德癸酉二月丙戌以疾卒年蓋六十二

矣生男子四人瀚滄浙溥翰初娶种氏大竹令山女
繼娶趙氏兗州知府蘭女滄先死娶趙氏樂至簿記
女浙娶薛氏洧川簿旺女溥正德丁卯舉人娶王氏
故兵部尚書河州公孫僉事經文女子四人長嫁兵
部尚書李公之孫順義學生桂次嫁翰林院修撰滕
霄又次嫁王應麒又次嫁蕭奇元皆舉人也孫男子
八人梅梧椿果校樓榎榭孫女二人俱幼在室夫序
班公天性篤孝一舉不忍忘其親及仕有官職猶思
慕以死此其志愍然世未之能有也人恒言公遇異
僧善黃白得其術亦卒以不用又秦簡王嘗大陳古

今名帖圖畫徵序班公徧視之至則掩其題識問為
何人歷千萬軸無二不當王因悚然敬重矣其隱行
遺致皆載在閻氏家傳中可備頌說今得而畧云序
班公生景泰庚午正月壬申趙孺人生景泰壬申九
月庚寅其合葬也以正德甲戌二月己未銘曰維
閻之先有令德隆四世光乃則無言弗訓誰可測三
秦之文畢其力公為之嗣往安畫斯道不延年壽隔
子孫繩奕且赫斗城之南定幽宅淑音烜儀此焉
鬼伯罔怒神永懌正月壬午我銘石仲春一日工有
翼

劉母恭人高氏墓志銘

恭人中部人萊陽知縣高秉第二女也中部稱望族
者恒曰劉高然萊陽君與劉氏生員君準同遊中部
學氣誼甚厚遂相與約為婚姻故以恭人妻生員君
子封彰德知府焉當其配時生員君已逝久母折夫
人再適鄆州王氏封君以四歲遺孤折夫人保育至
成立始克還中部及還則家事已狼狽遂求為縣吏
云時鄆州王叟亦故折夫人復來依封君恭人左右
奉養曲盡孝道折夫人喜曰婦如此我無以報婦願
婦多賢子孫勿若吾兒孤也天順甲申封君吏滿上

京師恭人從之紡績易米以爲食者几十年後封君
爲保安州洗馬林倉大使爲亳縣義門巡檢凡百家
事由恭人頗致饒裕矣恭人性嚴正有法所生男子
皆教導以禮故皆成名聞於世云左僉都御史聰者
恭人中子也曩嘗告予曰聰實不肖凡聰有今日皆
老母力曩聰從家君居京師就學衢舍中方甚貧約
母手自勤苦得以貲即助學費一日母從下馬牌
過見珠冠霞帔者問家君曰此命婦非貴人妻則貴
人母母因指聰曰若能爲我辦耶以此聰益奮志向
學後爲鄉縣學生自謂科第可立致及試甲午不第以

驕怠矣則或有所閑肆母聞輒杖之聰性喜奕棋嘗
與寇生奕母至杖背罵曰秀才事是如此幹寇生感
悟與聰俱力學後寇生學亦底成曰此固劉母之賜
也母善料能審家事大小無有不中者甲辰乙巳歲
大凶人相食父子不相顧母與家君言今日不但子
姪雖奴僕工作皆要保全一僕有私財者欲出自居
母曰爾所蓄不能當此年輕去恐不免餓死不聽卒
餓死聰舉丁未進士弘治己酉除太平推官特家君
已在亳未幾家君官滿過太平母再留二年朝夕惟
以明刑母罔爲戒後有

命封家君太平推官母孺人矣又後以聰知彰德又封家君彰德知府母恭人安享祿養者二十餘年益豐備矣乃益儉約戒諭如貧賤時云一時縉紳大夫聞者莫不歎息敬服傳母之能教也予往過彰德與王子敬夫蓋親見之敬夫曰有此母安得無此子孫敬夫者前翰林檢討九思也知人能論故予記其語如此云此可以徵恭人德容之盛矣今年甲戌三月丙子無病卒於家生宣德丁未二月丙寅壽蓋八十八云男子三人玖早卒聰官如前璋順天舉人女子一人鄜州王舉妻孫男子十二人伸縣學生儀偉國學生玖出佐辛未進士戶部主事儼國學生侃舉人倅縣學生仁舉人聰出仕縣學生价倅儒璋出孫女子八人嫁者三人宋溥張元傑馬鏞其婿也皆士人妻聘者三人宋氏與洛川王氏鄜州學生王文禴氏其二尚幼未聘曾孫男子九人曾孫女子七人其子孫統四十人云於乎此豈世嘗有也某年某月某日葬新河口梨園村鏞子坪新塋都憲公以狀來請予銘其墓石銘曰 坪之廣兮可以藏德坪之潤兮可以延澤乾向巽兮剛柔節子孫世萬公惟坪斯宅靈爾康兮永無極

將仕郎河南南陽府學教授封翰林院檢討

徵仕郎王先生墓志銘

夫賢人長者流風餘韻可以敦薄俗起頑懦當道衰
文弊之日其拯正開誘至不小也然往往莫之能及
故禮義廢絀維常不張君子有憂焉海於是述王先
生之行而納諸其墓王先生者鄆人也諱儒字友宗
其先河南人仕高陵遂家不去子孫乃為高陵人今
有諱元亨者墓在高陵或即始來者與其子孫皆不
可考人第稱王大使家墓云元亨以後有三人繼祖
繼容繼先然草能詳所出元季兵起繼容繼先由秦

嶺東行出關避兵而繼祖携妻于渡渭入鄆匿居終
南山中至

明興始徙鄆城北街故子孫遂世居鄆焉繼祖生
克誠克誠生敬仁敬仁生琰讀書起家仕為太寧長
清知縣以廉直顯名卒於官生子鉉寬厚博太鄆人
稱長者受高年爵年八十一卒配李氏生三子其長
為先生先生隆準奇頷烟目廣齒而背厚若負進退
居止非禮不行年十五遊學山由小於布衣蘇先生授
蔡氏尚書二年盡得其學歸為鄆學諸生成化辛卯
舉陝西鄉試試禮部不第慨然喟曰吾長清公之元

孫也昔長清公英英烈烈莫能舉進士蓋嘗命子曰
是在爾小子矣今不舉異日何以報地下再試戊戌
不第以乙榜遂爲保寧巴縣學正致論於是仰天歎曰
嗟乎志士若是矣其命也夫其公也夫至巴品第材
質以爲教其子弟皆興行踴躍也素數科目至是連
舉三人焉弘治己酉復任祥符縣字教諭其教一視巴
無損益居七年遷南陽府學教授授教授三年以外艱
歸遂不復仕云先生始仕巴時必必奉父母入蜀就養
李夫人以道險弗往止奉高年公公往居一年高年公
還歲時伏臘及父母旦日未嘗不東嚮達拜甲辰關

內大旱人相食先生以俸金予仲弟歸養父母召其
宗族可來食者三十人於巴又推其餘令鄰里已之
巴者貿易爲食已雖益困則益休然樂也在祥符日
謂去鄆逾近可奉親來養乃數上書高年公弗許欲
罷歸去高年公又不許故思慮浸淫至髮盡白及聞
高年公喪痛恨擊面若不欲更生也故旣葬高年公
事李夫人終身不易焉此其誠孝懇至切蓋何如也
海曩遊京師見先生之門人皆深服先生之教嚴毅
切至有古人循循之益各言其與先生送時眷戀之
事猶沾不沾臆其浹洽於人心者若此也此豈區區

轂音笑貌可至邪弘治甲子予拜先生於鄆時先生已受封爲檢討當母李夫人之喪悴悴蹙蹙不得聞其言論前年壬申予再如鄆拜先生望之休休乎其容洋洋乎其度也接其言淵乎其深粹乎其理也曰此有道者古伏生戴公董生之流也乃吾身親見之乎宜其子孫彬彬然執禮而好義勤問而尚賢此其物有然矣踰年而先生卒蓋癸酉冬十月某日也先生雖嚴以自治而天性溫厚未嘗無所容中情澹然母以富貴利祿少動諸子科第相接轂望相踵天下識與不識莫不欣異仰慕而先生如有所弗聞者居鄉日與故舊置酒高會洋洋而樂蓋有廣受之風焉配夫人劉氏封孺人生四男子長九思以庶吉士任翰林檢討文名才行聞於時爲

上經筵講官纂脩

孝宗實錄成劉瑾用事同翰林諸公以未習時務出轉吏部主事遷員外郎即中瑾下獄言者以有罪劾謫壽州同知會天變言者又劾

詔以同知致仕歸次九叙甲子舉人九臯義官九峯戊辰進士河南道監察御史孫男子五人瀛癸酉舉人潭沐渭羨孫文子八人已嫁者二人鄆學生楊顯

蓋屋學生徐永圖婿也餘與曾孫女一人俱幼未聘
九年月日葬鄠北六老菴之原先塋九思語予曰曩
九思罷壽州會盜起不得行先君賜書開導以理唯
九思有所情也及歸值舍弟九峯以病得告先君見
九思來甚喜慰九思日日率諸弟以奉先君之歡雖
即已病先君中無以留也乃再踰年先君卒矣其慟
蓋何可言夫完德厚行閭巷固宜有之亦奚必尊官
盛位然莫能一二數者蓋利慾所灼鮮有弗化者斯
賢人君子世固所愛慕焉先君之行蓋可以睹矣其
賜九思書曰蓋聞萋菲之讒詩人歎息流言之興聖

人懼焉此天下古今萬世共聞睹也故曰衆口鑠金
積毀消骨此非過語也其有見而言之也夫古之君
子竭忠其主非有所不盡也修身慎行其越人非不
多也然卒以罹於讒是故屈原放而離騷興其辭悲
婉憤厲讀之風颯焉使人心悲込下而小子何爲哉
古曰弭謗莫如自修此吾所嘗奉教於君子天地月
日巍乎煥然仰而觀之俯而察之求無媿於斯斯已
矣而又何惑焉夫賢者以一世之絀成百世之名其
道固有然矣小子將何爲哉其言理直而指明義精
而引長若此故予得以著於篇詔後世焉銘曰 王

氏之始厥自姬周平王既東是有中丘乃及高陵三
緒維承伯也克武復茲鎬京長清烈烈於宗有赫廉
直顯名何政弗格高年篤孝是生南陽光祖顯禰彝
倫以昌佗不盖德爰及諸子海宇有聲光被元始理
茂本隆流長德厚者被榮木何不秀南山巖巖玄堂
悶悶萬世斯安我銘是跋

對山集卷之十八終

律